

# Timor-Leste Ministry of Finance

## Ezekusan Orsamentu Jeral Estadu (OJE) 2019 La'ó Normal



Lei Orsamentu Jeral Estadu 2019 halao ona lansamentu iha loron 18 Feveireiru tinan ne'e no hahu'u kedas husi loron ne'e Instituisaun sira tama ona prosesu ezekusaun bazeia ba Lei Orsamentu Jeral Estadu nomós Lei Orsamentu no Jestaun Finanseira.

“Dekretu ezekusaun finaliza ona husi Ministériu Finansas no submete ona ba Konsellu Ministru hodi halo diskusaun no hetan ona aprovasaun ho kondisaun halo ajustamentu ba ninia redasaun final, hein katak bele finaliza lalais hodi submete ba publikasaun”, Diretór Nasional Orsamentu Ministériu Finansas Salomão Yaquim hato'o lia hirak ne'e hodi hatan ba iha Dekretu Ezekusan ne'ebé seidauk publika iha Journal Republika.

“Ida ne'e la lo'os, tanba regras no prosedimentu husi deketu ezekusaun ne'e rasik maioria mai hosi tinan anterior ne'ebé kontinua prevé iha Lei Orsamentu Jerál Estadu (OJE) 2019 nomós husi Lei Orsamentu no Jestaun Finanseira”, hateten Diretór Nasional Orsamentu Ministériu Finansas Salomão Yaquim.

Dekretu Ezekusaun hatur regras no prosedimentu mai husi Lei ne'ebé mak ezisti tiha ona. Oras ne'e, instituisaun estadu sira ezekuta hela orsamentu hanesan normal no esepu karik iha atividade sira ne'ebé refleta regras no prosedimentu foun tenke hein redasaun final Dekretu Ezekusaun ne'ebé sei publika iha tempu tuir mai.

“Dala ida tan atividade ministériu sira nian to'o oras ne'e la'o normal hela, dala ruma iha parte

balun dehan sei hein dekretu ezekusaun bainhira atividade balun refleta ba regras foun ruma, entaun tenke hein duni dekretu ezekusaun publika maka sai hanesan baze ba ezekusaun”, konfirma Salomão Yaquim.

Estruturas foun VIII Governu Konstitusional aliña ona ho dotasaun ne'ebé mai hosi Lei Orsamentu Jeral Estadu 2019 nune'e mós iha sistema GRP. Nu'udár evidensia ezekusaun OJE 2019 nian durante ne'e, públiku bele akompanha direita ezekusaun orsamentu husi portal Transparénsia.